



Broj: 04-16-4-3379-16 /23
Datum: 14.07.2023 godine.

Na osnovu člana 61. stav (1) i (2) Zakona o upravi („Službeni glasnik BiH“, broj 32/02, 102/09 i 72/17), člana 69. stav (2) tačka d) i člana 70. stav (4) Zakona o javnim nabavkama BiH („Službeni glasnik BiH“, broj 39/14 i 59/22), ministar ministarstva bezbjednosti Bosne i Hercegovine, donosi:

ODLUKU
O PONIŠTENJU POSTUPKA NABAVKE
„Nabavka prehrambenih artikala i sredstava za higijenu“ – Lot 2

Član 1.

Poništava se postupak nabavke „Nabavka prehrambenih artikala i sredstava za higijenu“ – Lot 2 koji je pokrenut na osnovu Odluke o pokretanju postupka za izbor najpovoljnijeg ponuđača broj: 04-16-4-3379/23 od 03.05.2023. godine za potrebe Ministarstva bezbjednosti BiH, putem otvorenog postupka sa objavom na portalu javnih nabavki, broj obavještenja 268-1-1-18-8-16/23 od 07.06.2023. godine.

Član 2.

U postupku javne nabavke „Nabavka prehrambenih artikala i sredstava za higijenu“ - LOT 2 - Nabavka sredstava za higijenu zaprimljene su 2 (dvije) ponude:

1. „LALA I LAĆO“ d.o.o. Bijeljina - ukupna cijena ponude bez PDV-a =50.927,05 KM;
2. „INTER-COM“ d.o.o. Zenica - ukupna cijena ponude bez PDV-a =48.042,50 KM.

Komisija je pregledom i ocjenom ponuda utvrdila sljedeće:

- **Ponuda ponuđača „LALA I LAĆO“ d.o.o. Bijeljina odbacuje se kao nepravilna**
- Tačkom 3.4. Tenderske dokumentacije određeni su uslovi tehničke i profesionalne sposobnosti koje ponuđač mora zadovoljiti da bi učestvovao u konkretnom postupku javne nabavke odnosno *“da ima uredno izvršena najmanje dva ugovora o nabavci roba koja su predmet nabavke čiji zbirni iznos nije manji od procijenjene vrijednosti predmetne nabavke, u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od dvije godine”*.

Također, tačkom 3.4. Tenderske dokumentacije propisano je da je ponuđač dužan dostaviti potvrdu o uredno izvršenim ugovorima iz tačke 3.4. sa navedenim podacima koje potvrda mora sadržavati.

Komisija je pregledom ponude ponuđača „LALA I LAĆO“ d.o.o. Bijeljina utvrdila da ponuđač „LALA I LAĆO“ d.o.o. Bijeljina nije dostavio tražene dokaze odnosno

potvrde o uredno izvršenim ugovorima kako je propisano u tački 3.4. Tenderske dokumentacije.

Imajući u vidu navedeno te odredbe tačke 3.5. Tenderske dokumentacije kojim je određeno da „u slučaju da se u ponudi ne dostave gore navedeni dokazi (dokumenti) ili se ne dostave na način na koji je naprijed traženo, ponuđač će biti isključen iz daljnjeg učešća zbog neispunjavanja uslova za kvalifikaciju“, kao i odredbe tačke 4.1. pod e) Tenderske dokumentacije kojim su „dokazi o ispunjenosti uslova iz tačke 3.4. TD“ propisani kao obavezni elementi koje ponuda mora da sadrži, **ponuda ponuđača „LALA I LAĆO“ d.o.o. Bijeljina odbacuje se kao nepravilna.**

- **Ponuda ponuđača „INTER-COM“ d.o.o. Zenica odbacuje se kao nepravilna**
Tačkom 4.1. pod b) Tenderske dokumentacije „*Obrazac za cijenu ponude (Aneks II TD)*“ propisan je kao obavezni elementi koje ponuda mora da sadrži.

Komisija je pregledom ponude ponuđača „INTER-COM“ d.o.o. Zenica utvrdila da je ponuđač INTER-COM d.o.o. Zenica dostavio Aneks II TD - Obrazac za cijenu ponude čiji se nazivi artikala za stavke r.b. 2., 7., 8., 29., 30. i 33. razlikuju u odnosu kako su traženi u Obrascu za cijenu ponude – Aneksa II Tenderske dokumentacije. Imajući u vidu navedeno, ponuđač INTER-COM d.o.o. Zenica nije dostavio ponudu u skladu sa zahtjevima koji su definisani za stavke r.b. 8., 29., 30. i 33.

Uzimajući u obzir odredbe tačke 4.4. Tenderske dokumentacije, kojom je propisano da „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani za stavke koje su sadržane u obrascu“, te da „U slučaju da ponuđač propusti popuniti obrazac u skladu sa postavljenim zahtjevima, za stavke koje su navedene, njegova ponuda će biti odbačena“, ponuda ponuđača INTER-COM d.o.o. Zenica odbacuje se kao nepravilna.

Postupak javne nabavke iz člana 1. se poništava zbog toga što nijedna od primljenih ponuda nije prihvatljiva, u skladu sa Članom 69. stav (2) tačka d) Zakona o javnim nabavkama BiH („Službeni glasnik BiH“, broj 39/14 i 59/22) .

Član 3.

Zadužuje se Sektor za pravne, kadrovske, opšte i finansijsko materijalne poslove za realizaciju ove Odluke. Ova odluka će se objaviti na web stranici Ministarstva bezbjednosti BiH (www.msb.gov.ba).



Dostavljeno:

- Glasnogovornik
- „Lala i Laćo“ d.o.o. Bijeljina, 1. Maja broj 14, 76 300 Bijeljina
- „INTER – COM“ d.o.o. Zenica, Vrandučka 71b, 72 000 Zenica
- a/a